



Broj: JN1-03-16-7-8-11/23
Sarajevo, 07.09.2023. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14 i 59/22), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017. godine, na preporuku Komisije za nabavke iz Zapisnika o pregledu i ocjeni ponuda, broj: JN1-03-16-7-8-10/23 od 05.09.2023. godine, u otvorenom postupku nabavke usluga uspostavljanja Work Flow Management System za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi:

ODLUKU O IZBORU NAJPOVOLJNIJEG PONUDAČA

I

Prihvata se preporuka Komisije za nabavke iz Zapisnika o pregledu i ocjeni ponuda, broj: JN1-03-16-7-8-10/23 od 05.09.2023. godine i Ugovor o nabavci usluga uspostavljanja Work Flow Management System za potrebe Parlamentarne skupštine Bosne i Hercegovine, dodjeljuje se ponuđaču **ORKA d.o.o. Sarajevo**, IDB 4200891300003, ul. Mula Mustafe Bašeskije br. 6, 71 000 Sarajevo, čija ukupna cijena za obavljanje predmetnih usluga, prema Ponudi, broj: P-23-0075 od 25.08.2023. godine, iznosi 149.760,00 KM sa uračunatim PDV-om.

II

(1) Izabrani ponuđač je u ponudi dostavio dokaze o kvalificiranosti u pogledu lične sposobnosti, a prema tački 3. podtačka 3.1. tenderske dokumentacije za nabavku usluga uspostavljanja Work Flow Management System za potrebe Parlamentarne skupštine BiH, broj: JN1-03-16-7-8-5/23 od 28.07.2023.godine (u daljem tekstu: tenderska dokumentacija) te iste nema obavezu dostavljati ponovo.

III

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena.

IV

Ova Odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga održavanja informacionog sistema Parlamentarne skupštine Bosne i Hercegovine, broj: JN1-03-16-7-8/23 od 07.06.2023. godine. Ukupna procjenjena vrijednost nabavke iznosila je 128.205,13 KM bez PDV-a odnosno 150.000,00 KM sa PDV-om. Predmet nabavke nije podijeljen na lotove. Shodno zakonskim odredbama provođenju javne nabavke prethodila je prethodna provjera tržišta konstatovana pismenom zabilješkom o prethodnoj provjeri tržišta.

Komisija za nabavke imenovana je Rješenjem o imenovanju komisije za javne nabavke Kolegija Sekretarijata, broj: JN1-03-16-7-8-1/23 od 07.06.2023. godine. Javna nabavka provedena je putem otvorenog postupka. Tenderska dokumentacija, broj: JN1-03-16-7-8-5/23 od 28.07.2023. godine, objavljena je u sistemu „E-nabavke“, kao i Obavještenje o nabavci broj: 166-1-2-12-3-30/23 objavljeno dana: 01.08.2023.godine i u „Službenom glasniku BiH“ broj: 54/23 od 04.08.2023. godine.

Komisija za javnu nabavku dostavila je Kolegiju Sekretarijata Zapisnik o pregledu i ocjeni ponuda, broj: JN1-03-16-7-8-10/23 od 05.09.2023. godine, koji istovremeno predstavlja i izvještaj o radu te sadrži preporuku o izboru najpovoljnijeg ponuđača.

U postupku prema Zapisniku o pregledu i ocjeni ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovorajuće zapisnike, u kojima je utvrđeno slijedeće:

- da je ukupan broj pristiglih ponuda 1;
- da je blagovremeno zaprimljena 1 ponuda;
- da neblagovremeno zaprimljenih ponuda nije bilo;
- da je ponuda ponuđača ORKA d.o.o. Sarajevo prihvatljiva

Naime, uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je ponuda ponuđača ORKA d.o.o. Sarajevo **prihvatljiva** za Ugovorni organ, obzirom da ispunjava sve formalno-pravne uslove, tj. zahtjeve Ugovornog organa za nabavku usluga uspostavljanja Work Flow Management System za potrebe Parlamentarne skupštine BiH.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu s kriterijima iz tenderske dokumentacije.

U postupku ocjene provedenog postupka, Kolegij Sekretarijata nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, internim aktima i tenderskom dokumentacijom.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da ponuđača ORKA d.o.o. Sarajevo izabere za realizaciju Javne nabavke usluga uspostavljanja Work Flow Management System za potrebe Parlamentarne skupštine Bosne i Hercegovine, te odlučio kao u dispozitivu Odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

DOSTAVLJENO:

- ORKA d.o.o. Sarajevo, ul. Mula Mustafe Bašeskije br. 6, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____